



NOGOMETNI SAVEZ FEDERACIJE BiH



NOGOMETNI SAVEZ FEDERACIJE BOSNE I HERCEGOVINE

PROPozICIJE
takmičenja završnice
nogometnog Kupa Federacije BiH za seniorke
za takmičarsku sezonu 2025/2026

juni/lupanj 2025.

Broj: 1542/25
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

PROPOZICIJE
takmičenja završnice
nogometnog Kupa Federacije BiH za seniorke
za takmičarsku 2025/2026 godinu

I - OPĆE ODREDBE

Član 1.

- 01.01. Ovim Propozicijama utvrđuje se način rukovođenja i organiziranja završnog dijela nogometnog Kupa BiH za seniorke za takmičarsku 2025/2026 godinu, broj sudionika, plasman klubova, organizacija utakmica, žalbeni postupak, financijske odredbe i dr.

II - SUDIONICI TAKMIČENJA

Član 2.

- 02.01. U završnici Kupa Federacije Bosne i Hercegovine za seniorke učestvuju klubovi Prve ženske lige Federacije BiH prema dostavljenim prijavama.

Član 3.

- 03.01. Nakon dostavljenih prijava klubova Prve ženske lige FBiH, poludirigovanim žrijebom se određuju parovi utakmica završnice Kupa FBiH za seniorke, a vodeći računa o regionalnoj udaljenosti klubova i smanjenju troškova putovanja.
- 03.02. U završnici Kupa Federacije BiH za seniorke za takmičarsku 2025/2026 godinu igra se jedna utakmica.
- 03.03. Nogometni savez Federacije BiH u završnicu Kupa BiH daje jedan klub.

Član 4.

- 04.01. U završnom dijelu Kupa Bosne i Hercegovine učestvuje 10 (deset) ekipa ženskih klubova i to:
- 6 prvoplasiranih klubova iz Premijer ženske lige BiH za sezonu 2024/2025,
 - prvoplasirani klub Prve ženske lige NS FBiH za sezonu 2024/2025,
 - prvoplasirani klub Prve ženske lige FS RS za sezonu 2024/2025,
 - 1 klub iz Nogometnog saveza Federacije BiH,
 - 1 klub iz Fudbalskog saveza Republike Srpske.
- 04.02. Sve utakmice završnice Kupa BiH za žene se igraju po jednostrukom kup sistemu, na sljedeći način:
- pretkolo u kojem učestvuju klubovi iz Prvih liga NS FBiH i FS RS (2 kluba) i klubovi koji su postali novi članovi PŽL BiH (2 kluba),
 - klubovi pobjednici utakmica u pretkolu, učestvuju sa osatlih 6 ekipa članica PŽL BiH u završnici Kupa BiH za žene (1/4 finala).

III - RUKOVOĐENJE I ORGANIZACIJA

Član 5.

- 05.01. Takmičenjem završnog dijela nogometnog Kupa Federacije BiH za seniorke rukovodi Izvršni odbor NS FBiH, putem Komisije za takmičenje NS FBiH.

Član 6.

- 06.01. Takmičenje u završnici Kupa Federacije BiH administrativno se vodi kroz COMET informacijski sistem.
- 06.02. Zapisnik sa utakmica sastavlja se na način kao u prvenstvenim utakmicama Prve ženske lige FBiH.

IV - SLUŽBENE OSOBE

Član 7.

- 07.01. Za obavljanje funkcije službenih osoba na utakmicama završnog dijela nogometnog Kupa Federacije BiH delegiraju se delegati i suci koji su angažirani na utakmicama Prve ženske lige Federacije BiH.
- 07.02. Vezano za delegiranje i obavljanje funkcija službenih osoba primjenjuju se odredbe Pravilnika o nogometnim takmičenjima NS/FS BiH i Propozicija takmičenja Prve ženske lige FBiH.

V - ORGANIZACIJA UTAKMICA

Član 8.

- 08.01. Organizacija utakmica se vrši prema odredbama Pravilnika o nogometnim takmičenjima NS/FS BiH i Propozicijama takmičenja za prvenstvo Prve ženske lige FBiH za takmičarsku 2025/2026 godinu.

Član 9.

- 09.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 09.02. Klub domaćin obavezan je vršiti snimanje svih domaćih utakmica. Snimanje utakmica regulisano je posebnim uputstvom o snimanju utakmica izdatim od strane NS FBiH.

VI - PRAVO NASTUPA

Član 10.

- 10.01. Pravo nastupa na utakmicama završnog dijela nogometnog Kupa Federacije BiH za žene imaju igračice koji ispunjavaju uvjete za nastup na utakmicama Prve ženske lige FBiH, a koji su propisani Pravilnikom o registraciji klubova i igrača, statusu i transferu igrača NS/FS BiH i Propozicijama takmičenja.

VII - UTVRĐIVANJE PLASMANA

Član 11.

- 11.01. Plasman se utvrđuje na osnovu rezultata utakmica završnice Kupa na nivou Federacije BiH. U slučaju da se utakmica nakon 90 minuta završi neodlučnim rezultatom, odmah će se pristupiti izvođenju jedanaesteraca za dobijanje pobjednika, u skladu sa Pravilima nogometne igre.

Član 12.

- 12.01. Žalba na odigranu utakmicu može se najaviti u roku 24 sata, a obrazloženje žalbe sa dokazom o uplaćenju taksi u roku od 48 sati po odigranoj utakmici.
- 12.02. Žalba na odluku prvostepenog organa može se uložiti u roku od tri dana po prijemu prvostepene odluke.
- 12.03. Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak.

VIII - FINANCIJSKE ODREDBE

Član 13.

- 13.01. Troškovi organizacije utakmica i svih službenih lica snosi klub domaćin.

IX - ZAVRŠNE ODREDBE

Član 14.

- 14.01. Za sva ostala pitanja koja nisu predviđena ovim Propozicijama primjenjivat će se propisi NS/FS BiH i NS FBiH.
- 14.02. Ove Propozicije stupaju na snagu danom donošenja, a primjenjuju se za takmičarsku 2025/2026 godinu.

PREDsjednik

Muris Jabandžić

